

X I.

Ist gewiß/ehe 6. oder 7. jahr fürüber geh
hen/ so werden des Calvini / Beza vnd der
gleichen Bücher immer gemehlich in die
Lande bracht/ verkausse vnd gemeine / da
durch die studirende Jugend von andern/die
mit das für mit Namen gewarnet / verführt
vnd eingenomen werden/vnd meinen/es sey
gute/rechte/reine Lehr vñ Bücher. Au die
se weise würde der Calvinismus fortgesetzt/
vñheimlicher weise eingeschoben. Zu diesem
Griff kann ein treuer prediger stil schweige:

X II.

Der Name Zwinglianer vnd Calvinist ist
Kein person Name / sondern nur ein Name
der falsche Lehre/ gleich wie Arrianer/ Nesto
rianer , etc. Ob sie wol erstlich von der per
son entstanden/seinds doch Ketzer Namen /
die in sich begreissen / diese Leute so solche
Lesterung fü ren/wie sie Arius vnd Calvi
nus geführet haben / vnd wie es mit ihnen
eine gestalt hat/ vnd zuhalten ist/so ists auch
mit den andern geschaffen,

X III.

Wo man nun wil fürwenden/man müsse
auff ehrliche Stände sehen / so Calvinisch
sein/das dieselbe nicht offendirt werden, So
ist dasselbe fürgeben eine lautere Abgötte
rey / da man den Menschen was zugefallen
thun wil / vnd dadurch wider Gott den
Herrn sündigen.

X IV.

Man greiffe den Herrn Christo ohne er
kenntnis in seinen Mund vnd predigampt/vñ
solchs geschicht allein aus weltlicher Flug
heit/ das kan vnd wird Christus nicht dul
den. Gott verhüte alles unglück / sonderlich
der Kirchen unheil/vnd behüte vnser Christ
liche Obrigkeit für allem vbel. Amen/
Herr Christe/ Amen.